



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IV. Declarantur ea in quibus filii parentibus obedire tenentur.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

- 19 Ex dictis collige, graviter peccare filios, qui parentes egenos deserunt, ingredienda Religionis pretextu. Præpostera namque pietas est, imò vera potius impietas, mandata Dei violare, aut negligere specie implendi consilia. Unde can. *Siqui filii parentes, maximè fideles, deforuerint occasione Dei cultus, hoc iustum judicantes esse, & non potius debitum honorem parentibus reddiderint, ut hoc ipsum in eis venerentur, quòd fideles sunt, anathema sit.*
- 20 Ille igitur qui nondum Religionem intravit (ait S. Thomas quodlib. q. 6. a. 2.) si videat patrem suum in magna necessitate, cui per alium subveniri non possit, non debet Religionem intrare, sed tenetur ministrare parentibus. Si vero per alium possit ejus parentibus ministrari, potest, si vult, Religionem intrare. Unde S. Chrysostomus exponens illud: dimisit mortuos sepelire mortuos suos, homil. 28. in Matth. dicit, quòd malum est abducere hominem à spiritualibus; & maximè cùm fuerint, qui ministerium parentum compleant. Erant enim alii, qui complere possent illius funeris sepulturam. Et 2. 2. q. 189. a. 6. dicit, quòd parentibus in necessitate existentibus, ita quòd eis commode alter quām per obsequium filiorum subveniri non possit, non licet filius, prætermisso parentum obsequio, Religionem intrare.
- 21 Aliud est de Religiosis professis; tametsi enim parentibus suis ad inopiam redactis subvenire teneantur, quantum possunt, salvā obedientiā, ē Claustrō tamen egredi non possunt, absque Superiorum licentiā, ut ipsis subveniant, prout idem S. Doctor in priore loco tradit his verbis: *Postquam quis est jam in Religione professus, ei mortuus munao: unde per spirituale mortem deobligatur a cura impendenda parentibus; sicut etiam deobligaretur per mortem corporalem.* Et ideo non peccat, nec contra Dei præceptum agit, si in Claustro remaneat sub præcepto Prelati sui, parentum ministratione prætermissa. Est enim factus impotens ad reddendum debitum ministerium absque propria culpa. Debet interim tamen, quantum potest, salvū ordinis obedientiā, satagere, ut per se, vel per alium suis parentibus subveniatur, si in necessitate fuerint constituti.
- 22 Hoc totum confirmat quodlib. 10. q. 5. a. 1. ubi sic: *Dicunt aliqui, quòd si aliquis habet patrem indigentem, debet ei dimittere, siquid habet, ad ejus sustentationem, & sic potest licet Religionem intrare, parentum curam Patri celesti commitiens, qui etiam aves pascit. Sed quia hac opinio nimis videtur afera; ideo melius videatur dicendum, quòd aut iste qui habet propositum intrandi Religionem, videt se in sculo non posse vivere sine peccato mortali, vel non de facili? Si timet sibi periculum peccati mortalis, cum magis teneatur saluti anima sua providere, quam corporali saluti parentum, non tenetur in sculo remanere. Si autem videt se posse in sculo conversari absque peccato, distinx.* Tom. 11.
- guendum videtur: quia si sine ejus obsequio parentes nullo modo vivere possunt, sic tenetur eis servire, & alia opera perfectionis prætermittere; & peccaret eos dimittens. Si verò sine ejus obsequio possunt aliqualiter sustentari, non autem honorifice, non propter hoc tenetur opera perfectionis dimittere. Secùs autem est de illo, quia jam Religionem intravit: quia cùm jam sit mortuus mundo per professionem, solitus est à lege, quia in mandatis obsequiis parentibus tenebatur. In aliis autem spiritualibus (puta orationibus, & hujusmodi) eis tenetur servire. Et hoc quod dictum est de introitu Religionis, potest etiam de obseruātia virginitatis, & de aliis operibus perfectionis dici. Haec tenet S. Thomas.

CAPUT IV.

Declaranur ea in quibus filii parentibus obedire tenentur.

Cum generaliter Apostolus dicat: *Fili 23* Cobedite parentibus per omnia, hoc enim placitum est in Domino, sequitur quòd, ut Augustinus ait in Præfat. Pl. 70. in eae sola filius non debet obedire patri suo, si aliquid pater ipsius jussit contra Deum ipsum. Neque enim debet iracui pater, quando sic ei præponitur Deus. Ubi autem hoc jubet pater quod contra Dominum non sit, sic audiendus est, quomodo Deus: quia obedire patri jussit Deus. Idem dicit S. Hieronymus in epist. ad Titum c. 3. & habetur can. si Dominus 11. q. 3. *Hoc ipsum & intelligamus in filiis apud parentes, quod in illis tantum debeat parentibus esse subjecti, quae contra Dei mandata non veniunt.*

Sed quia reperiuntur improbi parentes, qui 24 ea filiis præcipiunt, que Dei præceptis adversantur, tunc magis obediendum est Deo quam parentibus. Et hoc tensu Salvator Luc. 14. dicit: *Siquis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Et Matth. 10. *Qui amat patrem & matrem plusquam me (quod facit qui mandato Dei præfert mandatum patris) non est me dignus.*

Et ideo S. Hieronymus epist. 1. ad Heliodorum: *Scriptura quidem præcipit parentibus obsequendum; sed quicumque eos supra Christum amat (voluntatem ipsorum contra Christi voluntatem faciendo) perdit animam suam. Imò tunc odium in suos, pietas in Deum est, ut dicit in cap. 10. Matth. Unde rursus epist. 1. citatā: *Dum parentes aliquid à te exigunt contra Deum, licet sparso crine, & scissis uestibus, ubera quibus te nurierat, mater ostendat, licet in limine pater jaceat: per calcatum perge patrem, siccis oculis ad vexillum crucis evola. Solum pietatis genus est, in hac re esse crudelēm.**

Enimvero manifestum est (inquit Augustinus l. contra Admantum c. 6.) & honorem parentum in gradu suo esse servandum, & eos tamen in divini amoris comparatione, præsternim si impedimento sunt, nullā dubitatione opor-

re communi. Cur ita? quia, ut Bernardus ait, vel quisquis est Author libri de modo benè vivendi term. 12. de dilect. Dei: majora tribuit nobis Christus, quam parentes nostri; & ideo super parentes debemus diligere Christum. Scilicet est aliquid plusquam Deum amare: quia qui plus diligis creaturam, quam Creatorem, peccat; & qui proponit amorem creature amori Creatoris, errat.

27. Licet ista sint vera; divinum tamen præceptum, de obedientia filiorum erga parentes, enucleatus exponens S. Thomas quodlib. 2. a. 9. sic loquitur: *Ad illa se extendit debitum obedientia, ad qua se extendit ius prælatiōnis. Habet autem pater carnalis ius prælatiōnis in filium; primò quidem quantum ad domesticam conversationem: sic enim est paterfamilias in domo, sicut Rex in regno. Unde sicut subditi R-egis tenentur obedire Regi in his que pertinent ad gubernationem regni; ita etiam filii, & alii domestici, tenentur obedire patrifamilias in his qua pertinent ad dispensationem domus. Secundo, quācum ad morma disciplinam. Onde Apostolus dicit ad Hebr. 12. „Patres, quidem carnis nostrae habuimus eruditores, & „obtemperabamus eis. „Debet enim pater filio, non solum educationem, sed etiam disciplinam. In his ergo filius tenetur obedire patri carnali, & non in aliis.*

28. Et juxta hoc intelligendum est quod laudati Patres aiunt, filios debere parentibus obedire in omnibus quæ non sunt contra Deum; in omnibus utique quæ pertinent ad disciplinam vitæ, & curam domesticam, ut S. Doctor intelligit 2. 2. q. 104. a. 5. in corp.

29. Et ideo si pater filio præcipiat, ut certorum hominum societatem vitet; ne certas domos aedat, ex quarum frequentatione periclitetur innocentia vel fama ipsius; ne huic vel illi feminæ nubat, quam ipsi convenientem, vel ipso dignam non centet; ne aleis ludat; ne tabernas frequenter; vel ipsi præcipiat, ut opera aliqua faciat, vel negotia gerat, ad utilitatem domus: filius sub gravi peccato obediens tenetur; sicut & filia matri, prohibenti ne sola domo egrediatur; ne viros aliquos loquatur; ne amatorias litteras, aut munuscula furtim recipiat; ne fucus utatur; ne petitus nuder; & alia ejusmodi ad curam domesticam pertinientia, in rebus gravis momentum. Mortaliter proinde peccant filii & frīiae, justis hīcē mandatis contravenientes.

30. Non tenentur tamen, nec servi dominis, nec filii parentibus obediens in iis quæ concernunt statum vita eligendum, v.g. si pater filio præcipiat mortimonium contrahere, vel filiæ virginitatem servare. Partim quia hoc à divina depender vocatione. Partim quia usumque horum Deus in cuiusque reliquit libertate, prout Doctores communiter tradunt cum S. Thoma, cumque S. Augustino epist. 199. ad Ediciā dicente, quod *quamvis ad meliora excitandi & erudiendi sint filii Sanctorum; unusquisque tamen proprium donum ha-*

bet à Deo: alius quidem sic, alius autem sic, ut Apostolus ait ad Ephes. 4.

Itaque filii à parentibus compelli vel obligari non possunt ad statum Religiosum, vel Ecclesiasticum eligendum: cū Deus solus attendendus sit, velut Author vocations unius cuiusque; utpote à quo solo, non à parentibus, expectandæ sunt gratiæ necessaria ad latuens operandam, in statu ad quem vocatus fuerit.

Hinc S. Bernardus in declamatione ad hæc verba: *Ecce nos reliquimus omnia, de vit. & honest. Cleric. c. 5. Videote (inquit) vocatiōnem vestram, ait vocatus Apostolus, confidēmus & nos, an vocati venerimus, & vocati à Deo, cujus nimurūm hæc vocatio est. Nec communem vocationem dixerim... sed quis vocaverit nos in honorem Cleri: convertere velim conscientias singulorum.... Huic enim parvulo, aut forsitan neadem natu, Ecclesiastica jam beneficia provida sanè parenum sollicitudo parabat.... Audi querelas Domini, quid super hac tanta hominum temeritate loquatur patiens reditor & pænitentiam magis cupiens quā vindictam: “ Ipsi (inquit) regnauerunt, & non ex me; principes extiterunt, & ego non vocavi eos. ”*

Concilium quoque Burdigalense anni 1624. 33 c. 6. de Ordine: *In nulla re profecto magis elaboranti saculi homines, quam in filii, præcipue deformes, & ad secularia negotia inepti, in sortem Domini assimilantur; in beneficia certe, non ad officia Ecclesiastica, quācumque ratione, cūm non vocet Dominus, promovendi.*

Parentes ergo carnales plerumque securi 34 non sunt ductores aut directores animarum nostrarum, dum agitur de statu vita deligen- do; ideoque respiciendum non est ad carnem & sanguinem, dum filios impedit fatigare à sequenda divina vocatione, quā vocantur v. g. ad ingrediendam Religionem, imo (Hieronymo judice suprà) pistatis genu est hac in re esse crudelē. Unde Petrus Bleensis ep. 2. ad R. Clericum: *Scio (inquit) quia parentes tuī te retrahunt à proposito meliori; non diffirat, quoq; non evacuet propositum tuum conversionis proditoria & seductris affectio parentum; noli eos diligere contra Christum, quos teneris odio habere pro Christo. Multis pro parentibus suis animas perdididerunt, quorum occasione mundus, qui in eis arnerat, denō revescit.... Impius est qui anima sua pro suis parentibus est crudelis, majorenque temeritatem hæc nemo habet, quam ut animam suam ponat quis ita periculose pro amicis suis.*

Propterā etiam Ecclesiastici obediens non 35 debent parentibus suis, nec eorum sequi directionem, in iis quæ concernunt functions ministerii sui; sed Christum imitari, qui à comitatu sanctissima Matris tua, patrisque nutrīti sancti Ioseph se subduxit manendo in templo, ut vacaret iis qua patris sui erant. Ideo cūm dixisset ei Mater: *Fili, quid fecisti nobis sic? ecce pater tuus, & ego dolentes quareba-*

mus te : Jesus respondit : Quid est quod me quarebatis ? nesciebatis quia in his que Patris mei sunt opores me esse ? Luc. 2. Qui etiam Joan. 2. sanctissima Matri, ipsum monenti de miraculo faciendo, deficiente vino, dixit : Quid mihi & tibi est mulier ? nondum venit hora mea. Et Matth. 12. cum dixisset ei quidam : Ecce mater tua, & fratres tui foris stant, quaremetes loquies tibi. Ipse respondens dicens sibi ait : Quae est mater mea, & qui sunt fratres mei ? Et extendens manum in discipulos suos dixit : Ecce mater mea, & fratres mei. Quicumque enim fecerit voluntatem Patris mei, qui in celis est, ipse meus frater, & soror, & mater est, &c.

36 Similiter, in ejusmodi rebus, imitandi sunt illi, de quibus per Moysen dicitur : Qui disserunt patri suo, & matri sua, nescio vos ; & fratribus suis, ignoro vos. Hi custodierunt eloquium tuum, & servaverunt iudicium tua. Ad qua verba Gregorius l. 7. Moral. c. 14. Ille (inquit) scire Dominum familiarius appetit, qui, pro amore pietatis, nescire desiderat quos carnaliter scivit. Gravi etenim damno scientia divina ministratur, si cum carnis notitia participatur. Extra cognatos ergo quisque ac proximos debet fieri, si vult. Parentes omnium verius jangis, quatenus eisdem, quos propter Deum viriliter negligit, tanto solidius diligat, quanto in eis affectionem solubilem copula carnalis ignorat ad profanos usus.

37 Hinc dum parentes secundum carnalia sua desideria disponere volunt de bonis ecclesiasticis filiorum suorum, ipsis filii cum Bernardo epist. 111. respondere debent : Si me verè ut boni, ut piis parentes diligunt, si veram, si fidem erga filium pietatem habent, quid me Patri omnium Deo placere satagentem inquietatis ? Verè nunc cognosc, quia inimici hominis domestici ejus. In hoc vobis obediere non debo, in hoc non agnosc parentes, sed hostes : si diligenteris me, gauderis utique, quia vado ad meum atque vestrum, in modo univerorum Parentem.

38 Nec verò bonorum ecclesiasticorum filiorum, etiam in patris potestate adhuc constitutorum, parentes administrationem habent, uti constat ex lege *sacrosancta Cod. de Episc. & Cleric. & cap. si annum de judiciis in 6.* Nec proinde de iis disponere possunt. Unde S. Car. Borromaeus, à pueritia Clericali militiae adscriptus, Abbatia postmodum insignitus, patrem admonuit, ne redditus in rem familiarem converterentur.

CAPUT V.

Obligatio parentum erga filios.

39 **Q**uemadmodum filii parentibus amorem debent & honorem ; sic parentes filiis 1°. amorem debent, tamquam sibi proximissime (ut ita dicam) proximis. 2°. debent necessaria providere ad conservandam quam ipsis dederunt vitam ; per consequens tenetur filios ales, educare, curam illorum ge-

Tom. II.

rere diligentem, dum parvuli sunt, ne quid ipsis mali contingat, ne in ignem vel aquam cadant, ne corpore defectuosi, v. g. luctu vel claudi fiant, ne in eodem secum lecto tenelli dormientes suffocentur, &c. 3°. debent adultis vivendi subsidia providere, sive alia vivendi media ipsis relinquendo, sive artem vel opificium quo honestè vivere possint, ipsos edocendo : Non enim debent filii parentibus thesaurizare ; sed parentes filii. 1. Cor. 12.

4°. præcipua cura ipsis esse debet (ultra necessaria ad vitam corporalem) ipsis procurare necessaria ad vitam christianam & spiritualem, ut per eam pervenire valeant ad vitam aeternam. Curam proinde magnam habere debent, ut renascantur nati, ut christianis moribus instruantur, fideique mysteria, Dei & Ecclesie præcepta doceantur. Ad hoc enim Christianum matrimonium est institutum, & ad Sacramenti rationem à Christo elevatum, ut per christianum illius usum proles nascantur, natæ Christo renascantur, & christianam à parentibus accipient educationem, ut cælestem tandem consequi valeant hæreditatem. Nihil enim ipsis nasci prodesse, nisi renascerentur ; nihil renasci, nisi per mores Christiano dignos calum finaliter adipisci possent. Ideò ergo filios ab infancia docere debent timorem Domini, fugam peccati. Sic Sannah filiam suam erudierunt parentes ejus, Daniel. 13. Tobiam filium pater, Tob. 1. Educa illos in disciplina (ait Apostolus ad Ephes. 6.) & correptione Domini. Filii tibi sum (ait Ecclesiasticus c. 7.) erudi illos, & curva ab adolescentia sua. Obligationis istius 40 magnitudo pensari potest, ex eo quod Deus prolium suarum animas, Christi sanguine redemptas, parentum curæ commiserit, ut ipsorum sollicitudine renascerentur, renata crescent in vita spirituali, & ad vitam aeternam finaliter pervenirent : ita ut à Deo deputati sint velut spirituales padagogi prolium suarum, velutque Deus ut in sollicitudine illa imitatores sint admirabilis charitatis Christi, qui pro ipsis mortuus est. Unde & graviter puniet parentes in eo negligentes, & contra copiolam mercedem daturus est parentibus, suo ea in re officio ritè fungentibus. Neque enim parvi meriti est induitos à Deo liberos, ad ipsius exercere militiam, eisque ab ipsis infantia pannis dedicare : nam si ejusce educationis fundamenta jecerint, magnis officiendi sunt præmissis ; quemadmodum si neglexerint, magnis crucianibus. Verba sunt Chrysostomi Homil. 9. in epist. 1. ad Timoth. Cui conformiter loquitur Concilium Mediol. III. tit. de his quæ pertinent ad Sacram. matrim. *Sicut uberrimum ab optima institutione præmissum parentum filias capiat quicumque liberos, familiaque suam ad Dei cultum, & ad pietatem, christianarumque virtutum disciplinam erende- rit ; ita quicumque debitum hoc paterna cura officium neglexerit, vel pretermiserit, & exspectet, ut in Die Domini sibi durissimum judicium fiat.*

r. 2